



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u januaru 2026. godine




Monetarna kretanja u januaru 2026. godine

Ukupna novčana masa (M2) na kraju januara 2026. godine iznosila je 42,72 milijarde KM i u odnosu na prethodni mjesec registrovano je smanjenje novčane mase za 198,3 miliona KM (0,5%). Smanjenje novčane mase (M2) rezultat je smanjenja novca (M1) za 260,2 miliona KM (1,0%) i povećanja kvazi novca (QM) za 62 miliona KM (0,4%). U strukturi novca (M1), gotovina izvan banaka je smanjena za 198,5 miliona KM (2,7%), dok su prenosivi depoziti u domaćoj valuti manji za 61,8 miliona KM (0,3%). Povećanje kvazi novca (QM) rezultat je povećanja prenosivih depozita u stranoj valuti za 63,3 miliona KM (1,5%) i ostalih depozita u stranoj valuti za 45 miliona KM (0,6%), dok su istovremeno ostali depoziti u domaćoj valuti smanjeni za 46,3 miliona KM (1,2%).

Na godišnjem nivou, porast novčane mase (M2) u januaru 2026. godine iznosio je 3,78 milijardi KM (9,7%). Rast je ostvaren kod gotovine izvan banaka za 579 miliona KM (8,7%), kod prenosivih depozita u domaćoj valuti za 2,22 milijarde KM (12,9%), kod prenosivih depozita u stranoj valuti za 335,6 miliona KM (8,2%) i kod ostalih depozita u domaćoj valuti za 667,2 miliona KM (20,6%). Ostali depoziti u stranoj valuti su manji za 19,2 miliona KM (0,2%) u odnosu na isti period prethodne godine.

Monetarni agregati



Protustavka smanjenju novčane mase (M2) na mjesečnom nivou u januaru 2026. godine u iznosu od 198,3 miliona KM (0,5%) je povećanje neto strane aktive (NSA) za 72,5 miliona KM (0,3%) i smanjenje neto domaće aktive (NDA) za 270,8 miliona KM (1,4%). Porast novčane mase (M2) na godišnjem nivou od 3,78 milijardi KM (9,7%), rezultat je porasta neto strane aktive (NSA) za 987,1 milion KM (4,5%) i neto domaće aktive (NDA) za 2,79 milijardi KM (16,6%).

Monetarni pregled

	Stanje u mil. KM I 2026	Mjesečne promjene u mil. KM			Godišnje stope rasta u %		
		XI 2025	XII 2025	I 2026	XI 2025	XII 2025	I 2026
Aktiva							
1. Neto strana aktiva	23.099,6	6,9	38,4	72,5	4,4	3,3	4,5
1.1. Strana aktiva	25.134,1	13,7	56,7	110,3	4,2	3,3	4,7
1.2. Strana pasiva	-2.034,6	-6,7	-18,3	-37,8	1,8	2,4	7,0
2. Neto domaća aktiva	19.618,7	220,8	862,8	-270,8	17,1	18,1	16,6
2.1. Potraživanja od centralne vlade (neto), kantona i opština	2.335,1	93,9	633,3	5,2	83,9	68,8	64,6
2.2. Potraživanja od domaćih sektora	27.318,8	265,6	225,7	26,4	10,8	10,6	10,9
2.3. Ostale stavke	-10.035,3	-138,7	3,7	-302,4	7,0	5,6	8,8
Pasiva							
1. Novčana masa (M2)	42.718,2	227,8	901,1	-198,3	9,8	9,7	9,7
1.1. Novac (M1)	26.596,8	12,6	946,2	-260,2	10,8	11,4	11,7
1.2. Kvazi novac (QM)	16.121,4	215,2	-45,0	62,0	8,1	6,9	6,5

Kredit

Ukupni krediti domaćim sektorima na kraju januara 2026. godine iznosili su 28,76 milijardi KM i u odnosu na prethodni mjesec zabilježeno je povećanje kredita od 69,9 miliona KM (0,2%). Kreditni rast je registrovan kod sektora stanovništva za 54 miliona KM (0,4%), kod vladinih institucija za 41,7 miliona KM (2,7%) i kod nefinansijskih javnih preduzeća za 21,4 miliona KM (2,8%). Smanjenje kreditnog rasta na mjesečnom nivou je registrovano kod privatnih preduzeća za 27,4 miliona KM (0,2%) i kod ostalih domaćih sektora za 19,9 miliona KM (4,9%).

Godišnja stopa rasta ukupnih kredita u januaru 2026. godine iznosila je 11,6%, nominalno 3 milijarde KM. Godišnji rast kredita registrovan je kod sektora stanovništva za 1,59 milijardi KM (12,3%), kod privatnih preduzeća za 921,2 miliona KM (8,7%), kod vladinih institucija za 310,7 miliona KM (24,3%), kod nefinansijskih javnih preduzeća za 110,6 miliona KM (16,2%) i kod ostalih domaćih sektora za 64,9 miliona KM (20,3%).

Sektorska struktura kredita

	Stanje u mil. KM I 2026	Mjesečne promjene u mil. KM			Godišnje stope promjene u %		
		XI 2025	XII 2025	I 2026	XI 2025	XII 2025	I 2026
Ukupno	28.760,5	284,5	386,5	69,9	10,7	11,1	11,6
Od toga:							
Stanovništvo	14.508,8	101,5	111,2	54,0	11,8	12,2	12,3
Privatna preduzeća	11.485,4	167,0	51,4	-27,4	8,2	8,1	8,7
Vladine institucije	1.590,4	20,0	175,6	41,7	7,0	19,8	24,3
Javna preduzeća	792,1	-6,3	34,8	21,4	28,1	10,6	16,2
Krediti ostalim domaćim sektorima	383,8	2,3	13,6	-19,9	32,2	30,9	20,3

Depoziti

Ukupni depoziti domaćih sektora na kraju januara 2026. godine iznosili su 37,31 milijardu KM, u odnosu na prethodni mjesec depoziti su smanjeni za 8,2 miliona KM. Smanjenje depozita na mjesečnom nivou registrovano je kod vladinih institucija za 101,5 miliona KM (2,2%) i kod nefinansijskih javnih preduzeća za 35,5 miliona KM (1,8%), dok su u istom periodu depoziti povećani kod sektora stanovništva za 70,5 miliona KM (0,4%), kod privatnih preduzeća za 38,8 miliona KM (0,4%) i kod ostalih domaćih sektora za 19,6 miliona KM (0,9%).

U strukturi depozita stanovništva, najveći dio se odnosi na transakcijske račune (50,5%), koji su u odnosu na prethodni mjesec veći za 0,4%, depoziti po viđenju (20,1% ukupnih depozita stanovništva) su veći za 0,9%, dok su oročeni depoziti (29,4% ukupnih depozita stanovništva) manji za 0,1%.

Godišnja stopa rasta ukupnih depozita u januaru 2026. godine iznosila je 10,1%, što je u apsolutnom iznosu 3,44 milijarde KM. Godišnji rast depozita registrovan je kod sektora stanovništva za 2,11 milijardi KM (11,9%), u čijoj strukturi su transakcijski računi porasli za 17,5%, depoziti po viđenju za 6,4% i oročeni depoziti za 7,0%. Rast depozita na godišnjem nivou zabilježen je i kod privatnih preduzeća za 670 miliona KM (8,2%), kod vladinih institucija za 557,1 milion KM (13,8%) i kod ostalih domaćih sektora za 137,5 miliona KM (7,0%). Depoziti su na godišnjem nivou smanjeni kod nefinansijskih javnih preduzeća za 38,4 miliona KM (1,9%).

Sektorska struktura depozita

	Stanje u mil. KM I 2026	Mjesečne promjene u mil. KM			Godišnje stope promjene u %		
		XI 2025	XII 2025	I 2026	XI 2025	XII 2025	I 2026
Ukupno	37.308,6	210,3	527,8	-8,2	10,6	10,2	10,1
Od toga:							
Stanovništvo	19.810,7	175,8	473,3	70,5	11,8	11,8	11,9
Privatna preduzeća	8.855,0	5,3	270,7	38,8	8,0	8,8	8,2
Vladine institucije	4.594,4	-62,5	-139,5	-101,5	14,2	13,0	13,8
Javna preduzeća	1.936,8	19,1	-24,2	-35,5	2,4	-1,2	-1,9
Depoziti ostalih domaćih sektora	2.111,6	72,6	-52,5	19,6	11,0	6,6	7,0

Devizne rezerve

Devizne rezerve Centralne banke BiH na kraju januara 2026. godine iznosile su 18,15 milijardi KM i na godišnjem nivou su povećane za 894 miliona KM (5,2%).